

202 vísað sóknarprestinum að Fjarðarprestakalli í Mjóafirði, síra Þorsteini Halldórssyni, sem 29. 5. okt. nóvbr. f. á. fjekk veitingu fyrir embætti þessu frá fardögum 1882, 200 kr. fyrir ársfjórðunginn 6. júní til 6. september þ á. af því 800 króna árstíllagi úr landssjóði, sem tjeðu kalli er veitt með lögum 27. febr. 1880, enda þótt síra Þorsteinn hafi eigi fengið prestvígslu fyrri en 3. dag f. m. Þó getið þjer þess, að þjer hafið ávísað honum upphæð þessa með því einu skilyrði, að hann endurgreiddi hana, ef ráðgjafinn kvæði svo á, og hafið þjer svo beiðzt úrskurðar ráðgjafans um þetta mál.

Af þessu tilefni skal eigi hjá líða látið að tjá yður, herra landshöfðingi, þjónustusamlega til þóknanlegrar leiðbeiningar og birtingar fyrir hlutaðeiganda, að eptir atvikum má sitja við ráðstöfun þá, er þjer hafið gjört, einkum þar eð brjef yðar ber það með sjer, að biskupinn hefir borið það fram, til að styðja tilkallsrjett prestsins til fjár þess, sem honum hefir greitt verið, að kalli þessu hafi síðan í fardögnum verið þjónað á kostnað hans

203 — Brjef ráðgjafans fyrir Ísland til landshöfðingja um styrk til að kynnast skóla- 5 okt. húsum og áhöldum erlendis. — Með þóknanlegu brjefi 15. f. m. hafið þjer, herra landshöfðingi, sent hingað bænarskrá frá yfirkennaranum við lærða skólann í Reykjavík H. K. Friðrikssyni, er hann hefir sent stiptsyfirvöldunum; skýrir hann þar frá því, að sjer sje falin umsjónin á húsum og áhöldum skólans, og fer meðal annars fram á, að sjer verði veitt færi á að ferðast til útlanda og kynna sjer þar hús og áhöld erlendra skóla, einkum Herlufsholms-skóla og Sóreyjar-skóla, og að sjer verði veittur að minnsta kosti 600 króna styrkur til ferðarinnar, svo og að kostnaðurinn við að reka embætti hans, meðan hann er burtu, verði greiddur af almannaþje.

Af þessu tilefni er eigi hjá líða látið að tjá yður þjónustusamlega til þóknanlegrar leiðbeiningar og birtingar fyrir umsækjanda, að ofan nefndri beiðni hans hefir eigi orðið sinnt.

204 — Brjef landshöfðingja til amtmannsins yfir norður- og austurumdæminu um inn- 7 okt. stæðukúgildi á leigujörðum. — Eptir að hafa meðtekið álit yðar, herra amtmaður, um fyrirspurn hreppstjórans í Presthólahreppi um það, hvort bóndi á leigujörð, er alls engin innstæðukúgildi eru á, sje undan þeginn lausafjártíund af einu kúgildi af sínu eigin fje fyrir hver fimm hundruð, sem jörð hans er metin til, skal jeg tjá yður þetta til leiðbeiningar og birtingar:

Eins og þjer hafið tekið fram, virðist 2. liður 8. greinar í lögum 12. júlí 1878 að ná jafnt til leiguliða og eiganda, og er því leiguliðum heimilt, þar sem eigi er fast ákveðið innstæðukúgildatal á jörðum, að telja frá tíund eitt kúgildi af sínu eigin lausaþje fyrir hver 5 hundruð jarðarinnar en eigi fleiri. Þar sem hundraðatal jarðarinnar nær eigi 5 hndr., virðist ákvörðun þessi eigi að geta komið til greina, og sje hundraðatal jarðarinnar ekki deilanlegt með 5, virðist heldur ekki það, sem afgangsverður, eptir að hundraðatölunni er skipt með 5, að geta komið til greina til lækkunar á lausafjártíundinni.

205 — Brjef frá formanni samskotanefndarinnar í Kaupmannahöfn til landshöfðingja 9. okt. um sendingar á kornvörum með gufuskippinu Valdemar. — Jeg hefi meðtekið brjef yðar, hávelborni herra, frá 17. f. m., og þakka mjög fyrir skýrslur þær, er það hefir inni að halda.

Ákvörðunin um að kaupa fje fyrir þær 20.000 kr., er yður með fyrra gufuskippinu voru fengin ráð á, var gjörð eptir samkomulagi við herra landshöfðingja Hilmar Finsen, og álitu menn það nauðsynlegt og hagkvæmt, að íbúar þeirra hjerada á Suður-

landi, er höfðu orðið fyrir mestum fjeðarmissi, en höfðu heyjað vel, fengju ráð á að kaupa nýjan fjárstofn í haust, þegar helzt væri von á, að fje gæti fengizt.

Herra Hilmar landshöfðingi Finsen mun hafa skýrt yður frá, að nefndin hafi leigt gufuskipið Valdemar til að flytja ýmsar korn- og fódurvörur til eptirnefndra hafna: Vestmannaeyja, Reykjavíkur, Stykkishólms, Skagastrandar, Sauðárkróks, Akureyrar og Húsavíkur, og leyfi jeg mjer að láta fylgja skrá yfir það, sem verður sent á hvern stað. Að Reykjavík að eins hefir fengið 156 tonn af rúgi, kemur til af því, að skipið gat ekki rúmað allt það korn, sem átti að fara á þessa höfn, 500 tonn. Það, sem eptir er, mun verða sent með næstu reglulegri gufuskipsferð.

Jeg leyfi mjer að láta fylgja 4 brjef til þeirra, sem ætlazt er til, að taki við korn- og fódurvörunum á Norðurlandi, og eruð þjer beðnir að senda þau á kostnað nefndarinnar, undir eins og gufuskipið er komið, með sendimanni gagngjört norður, svo að hlutaðeigendur geti verið í tíma undir það búnir að taka við vörunum tafarlaust, þrátt fyrir skammdegið.

Nefndin fær yður, herra landshöfðingi, ráð á 30,000 kr. í peningum til að bæta úr bjargarskortinum á þeim stöðum, er má álita, að sjeu mest þurfandi, og vil jeg sjerstaklega leiða athygli yðar, hávelborni herra, að norðurparti Strandasýslu, er varla mun geta haft gott af kornvörum þeim, sem sendar eru til Skagastrandar.

Hin nefnda upphæð getur annaðhvort fengizt borguð í aðalríkissjóðinn eða með ávísunum á privatbankana fyrir reikning samskotanefndarinnar eptir því, sem þjer sjálfir kjósið og skýrið mjer frá.

Skrá yfir vörur með gufuskipinu Valdemar.

Til Vestmannaeyja 200 sekkir af rúgi.

— Reykjavíkur 156 sekkir rúgs, 10 sekkir skonroks.

— Stykkishólms 484 sekkir rúgs, 56 sekkir bankabyggs, 100 sekkir hveitihrats.

— Skagastrandar 350 sekkir rúgs, 50 sekkir bankabyggs, 150 sekkir hveitihrats, 100 sekkir rúghrats, 100 baggar af heyi.

— Sauðárkróks 314 sekkir rúgs, 50 sekkir bankabyggs, 150 sekkir hveitihrats, 100 sekkir rúghrats, 100 baggar af heyi.

— Akureyrar 200 sekkir rúgs, 50 sekkir bankabyggs, 300 sekkir hveitihrats, 100 sekkir rúghrats, 100 baggar af heyi.

— Húsavíkur 200 sekkir rúgs, 100 sekkir hveitihrats, 100 s. rúghrats, 100 baggar af heyi.

EMBÆTTASKIPUN.

31. dag októbermánaðar setti landshöfðingi kandidat George Schierbeck landlækni og og forstöðumann læknskólans.

EINKARJETTINDI.

Samkvæmt allraþegnlegustu tillögum ráðgjafans fyrir Ísland þóknadist hans hátign konunginum 3. október að veita S v e n d F o y n frá Tönsberg í Noregi einkarjettindi til að smíða og láta smíða á Íslandi vjelar þær, er hann hefir fundið upp til að veiða með hvali, og hefir verið afhent landshöfðingja lýsing á þessum veiðivjelum.

STYRKUR ÚR LANDSSJÓÐI

samkvæmt fjárlögnum 1882 og 1883

10. gr. C. 4.

voru samþykktar tillögur sýslunefndarinnar í Á r n e s s ý s l u (sbr. landshöfðingjabrjef 25. jan. þ. á. B. 5.) um að verja 500 kr. til að gjöra við Hrðarsholtslæk og 420 kr. til verkferakaupa handa hreppum sýslunnar, sömuleiðis

tillögur sýslunefndarinnar í S n æ f e l l s n e s s og H n a p p a d a l s s ý s l u um, að fje því, er þessi sýsla öðlast til eflingar búnaði, verði skipt þannig, að